

ხელშეკრულება N 4 სახელმწიფო შესყიდვის შესახებ

ჩოხატაური

03 იანვარი 2024 წელი

ერთის მხრივ ა(ა)იპ „ჩოხატაურის მუნიციპალიტეტის სკოლამდელი სააღმზრდელო-საგანმანათლებლო დაწესებულება „მომავალი“ (ს/კ 242008812), წარმოდგენილი მისი დირექტორის ნინო ბარამიძის სახით (შემდგომში „შემსყიდველი“) ხოლო მეორეს მხრივ შპს „ნება“ (ს.კ.422722575) წარმოდგენილი მისი დირექტორის მერაბ კაჭკაჭიშვილის სახით (შემდგომში მიმწოდებელი) „სახელმწიფო შესყიდვების შესახებ“ საქართველოს კანონის და 2023 წლის 12 დეკემბერს გამოცხადებულ ელექტრონული ტენდერის (სატენდერო განცხადების **NAT230025856**) საფუძველზე ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვს შემდეგი მნიშვნელობა

- 1.1. „ხელშეკრულება სახელმწიფო შესყიდვების შესახებ“ (შემდგომში-„ხელშეკრულება“)-შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით დაასვევ მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“-საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი ორგანიზაცია“ (შემდგომში „შემსყიდველი“)-ორგანიზაცია, რომელიც ახორციელებს შესყიდვას.
- 1.4. „მიმწოდებელი“-პირი, რომელიც ახორციელებს საქონლის მიწოდებას მოცემული ხელშეკრულების ფარგლებში.
- 1.5. „საქონელი“-ამ ხელშეკრულების მე-2 მუხლით გათვალისწინებული ხელშეკრულების საგანი.
- 1.6. „დღე“, „კვირა“, „თვე“ ნისნავს კალენდარულ დღეს, კვირას, თვეს.
- 1.7. „ტექნიკური დავალება“ - ელექტრონული ტენდერის სატენდერო დოკუმენტაციის ტექნიკური დავალება.

2. ხელშეკრულების საგანი

2.1. ხელშეკრულების საგანს წარმოადგენს (CPV15500000 კოდით) რძის პროდუქტების მიწოდება ჩოხატაურის მუნიციპალიტეტის სსს დაწესებულება „მომავალის“ საბავშვო ბაღებისთვის ტექნიკური დავალებით გათვალისწინებული მოთხოვნის შესაბამისად.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 86280 (ოთხმოცდაექვსიათასორასოთხმოცი)ლარს, ყველა თანამდევნი ხარჯისა და საქართველოს კანონმდებლობით გათვალისწინებული გადასახადების ჩათვლით.
- 3.2. წინამდებარე ხელშეკრულების პირობების , მათ შორის ღირებულების შეცვლა დაუშვებელია , თუ ცვლილების შედეგად იზრდება ხელშეკრულების საერთო ღირებულება, ან უარესდება ხელშეკრულების პირობები შემსყიდველისათვის , გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.3. შემსყიდველის მიერ საქონლის მიწოდებისა და თანამდევნი მომსახურების გაწევის ხელშეკრულებაში მითითებული ფასები არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასს.

მუხლი 4. ხელშეკრულების შესრულების კონტროლი

- 4.1. საქონლის ხელშეკრულებით შეთანხმებულ მოთხოვნებთან და პირობებთან შესაბამისობის დადგენის მიზნით შემსყიდველი განახორციელებს ხელშეკრულების შესრულების ინსპექტირებას. ინსპექტირების ჯგუფის და მიღება- ჩაბარების სამუშაო ჯგუფის (რომელთაც აქვთ უფლება ინსპექტირების ჩატარების) შემადგენლობაში შედიან შემსყიდველის წარმომადგენლები.
- 4.2. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან , ან სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

მუხლი 5. ანგარიშსწორების ფორმა და პირობები

5.1. ანგარიშსწორება მოხდება უნაღდო წესით, ეროვნულ ვალუტაში.

5.2. ანგარიშსწორება მოხდება საქონლის მიწოდების დამადასტურებელი დოკუმენტაციის წარმოდგენის საფუძველზე, მიღება-ჩაბარების აქტის გაფორმებიდან არაუმეტეს 10 სამუშაო დღის განმავლობაში.

5.3. შესყიდვის ობიექტი ჩაითვლება მიღებულად მიღება-ჩაბარების აქტის გაფორმების შემდეგ აღნიშნულ აქტზე სათანადოდ უფლებამოსილი პირის(პირების) მიერ ხელმოწერის დღიდან.

მუხლი 6. შესყიდვის ობიექტის მიწოდების ადგილი და ვადა

6.1. შესყიდვის ობიექტის მიწოდება უნდა მოხდეს შემსყიდველის მხრიდან, შესაბამისი მოთხოვნის საფუძველზე ჩოხატაურის ტერიტორიაზე არსებულ საბავშვო ბაღებში ხელშეკრულების გაფორმებიდან მაქსიმუმ 3(სამი) კალენდარული დღის ვადაში თანდართული სიის მიხედვით შემდეგ მისამართებზე:

1. #1 ბაგა-ბაღი დ. ჩოხატაური დუმბაძის ქ.
2. #2 ბაგა-ბაღი დ. ჩოხატაური მარის ქუჩა
3. ბუკისციხის საბ. სოფ. ბუკისციხე
4. იანეულის საბ. ბაღი სოფ. იანეული
5. ერკეთის საბ. ბაღი სოფ. ერკეთი
6. ჯვარცხმის საბ. ბაღი სოფ. ჯვარცხმა
7. ქვენოზნის საბ. ბაღი სოფ. ქვენოზანი
8. ბასილეთის საბ. ბაღი სოფ. ბასილეთი
9. ბუკნარის საბ. ბაღი სოფ. ბუკნარი
10. გოგოლესუბნის საბ. ბაღი სოფ. გოგოლესუბანი
12. შუამაღლების საბ. ბაღი სოფ. შუამაღლება
13. ამაღლების საბ. ბაღი სოფ. ამაღლება
14. სამების საბ. ბაღი სოფ. სამება
15. ვანზომლეთის საბ. ბაღი სოფ. ვანზომლეთი
16. საჭამიასერის საბ. ბაღი სოფ. საჭამიასერი
17. ნაბელავის საბ. ბაღი სოფ. ნაბელავი
18. ზოტის საბ. ბაღი სოფ. ზოტი
19. #1 საბავშვო ბაღი დ. ჩოხატაური დუმბაძის ქ. #2
20. კოხნარის საბ. ბაღი სოფ. კოხნარი
21. ხიდისთავის საბ. ბაღი სოფ. ხიდისთავი
22. ზემოსურების საბ. ბაღი სოფ. ზემოსურები

მუხლი 7. მხარეთა უფლებები და ვალდებულებები

7.1. მიმწოდებელი ვალდებულია:

- ა) უზრუნველყოს ხარისხიანი და ტექნიკური დავალების გათვალისწინებით საქონლის მიწოდება;
- ბ) საქონლის მიწოდება უზრუნველყოს ხელშეკრულებით გათვალისწინებულ ვადებში.
- გ) მიღება-ჩაბარების დოკუმენტის გაფორმებამდე რაიმე ნაკლის ან ხარვეზის აღმოჩენის შემთხვევაში უზრუნველყოს ხარვეზის აღმოფხვრა საკუთარი ხარჯებით.

დ) მიმწოდებელმა უზრუნველყოს საქონლის ისეთი შეფუთვა, რომელიც დაიცავს საქონელს დაზიანებისა და გაფუჭებისაგან დანიშნულების ადგილამდე ტრანსპორტირების პროცესში.

ე) საქონლის მიწოდება მოხდეს სპეციალური მანქანა მაცივრით შემსყიდველის მოთხოვნის შესაბამისად.

დ) ბაღებში ბავშვთა რაოდენობის გამოცხადების ცვლილებასთან დაკავშირებით დამატებითი მოთხოვნის შემთხვევაში მომწოდებელი ვალდებულია ყოველგვარი შეფერხების გარეშე უზრუნველყოს პროდუქტის მიწოდება.

.. 7.2. მიმწოდებელს უფლება აქვს მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულების პირობების შესაბამისად.

7.3. შემსყიდველი ვალდებულია:

- ა) მიმწოდებელს გადაუხადოს ამ ხელშეკრულებით გათვალისწინებული საფასური.
- ბ) შემსყიდველი უფლებამოსილია მოახდინოს ინსპექტირება ხელშეკრულების მიმდინარეობის ნებისმიერ ეტაპზე მიმწოდებლის მიერ ნაკისრი ვალდებულებების შესრულებასა და ხარისხზე.

მუხლი 8. ხელშეკრულებაში ცვლილებების შეტანა

8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.4. საქართველოს სამოქალაქო კოდექსის 398-ე მუხლით გათვალისწინებული გარემოებების დაგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

8.5. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 9. უფლებების გადაცემა

9.1. „მიმწოდებელმა“ „შემსყიდველს“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

მუხლი 10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება მიღებული აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 11. საჯარიმო სანქციები

11.1. ფორსმაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა (მიმწოდებლის მხრიდან ხელშეკრულების ვადაზე ადრე ცალმხრივად შეწყვეტა, ხელშეკრულებით ნაკისრი შესასრულებელი ვალდებულებების შესრულებაზე უარის თქმა, უხარისხო საქონლის მიწოდება საბავშვო ბაღებში ან/და დაგვიანებით შესრულების შემთხვევაში მას დაეკისრება პირგასამტეხლო ხელშეკრულების ღირებულების 10 %-ის ოდენობით.

11.3. იმ შემთხვევაში, თუ ხელშეკრულების მიმდინარეობის პერიოდში მიმწოდებლის მხრიდან საქონლის ბაღებში მიწოდების ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 0.1 %-ს, ხოლო ერჯერადად (კვირის განმავლობაში) მიწოდების შემთხვევაში 0.04%-ს შემსყიდველს უფლება აქვთ ცალმხრივად შეწყვიტოს ხელშეკრულება და მიმწოდებელი დააჯარიმოს ხელშეკრულების საერთო ღირებულების 10%-ის ოდენობით.

11.4. თუ პირგასამტეხლოს ოდენობა გადააჭარბებს ხელშეკრულების ჯამური ღირებულების 0.1 %-ს შემსყიდველს უფლება აქვს შეწყვიტოს ხელშეკრულება და მოსთხოვოს ხელშეკრულების შეწყვეტის მომენტისთვის დარიცხული პირგასამტეხლოს გადახდა.

11.5. საჯარიმო სანქციების გადახდა მიმწოდებელს არ ანთავისუფლებს ხელშეკრულებით ნაკისრი ვალდებულებების შესრულებისაგან. ამ შემთხვევაში შემსყიდველს უფლება აქვს შეწყვიტოს ხელშეკრულება მთლიანად ან მისი რომელიმე პუნქტი.

მუხლი 12. ხელშეკრულების შეწყვეტა მისი პირობების შეუსრულებლობის გამო

12.1. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ.

ა) თუ „მიმწოდებელს“ ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს ხელშეკრულებით გათვალისწინებული მომსახურება, სრული პროგრამა ან მისი ნაწილი.

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

12.3. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველავს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევაში.

მუხლი 13. ფორს-მაჟორი

13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადასაღებად და მათი კონტროლისაგან დამოკიდებულ გარემოებებს, რომლებიც არ არიან დაკავშირებული „შემსყიდველისა“ და ან „მიმწოდებლის“ შეცდომებსა და დაუდევრობასთან.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შესვლელებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

მუხლი 14. სადაო საკითხების გადაწყვეტა

14.1. „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

მუხლი 15. გამოყენებული სამართალი

15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

მუხლი 16. ხელშეკრულების ენა

16.1. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცემა მხარეთა შორის სრულდება ქართულ ენაზე.

მუხლი 17. შეტყობინება

17.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

მუხლი 18. ხელშეკრულების მოქმედების ვადა

18.1. ხელშეკრულება ძალაში შედის მხარეთა მიერ ხელმოწერის დღიდან და ძალაშია 2025 წლის 31 იანვრის ჩათვლით.

მუხლი 19. გადასახადები და ბაჟები

19.1. მიმწოდებელი პასუხს აგებს საქართველოს კანონმდებლობით დადგენილ გადასახადების, ბეგარის, მოსაკრებლების და სხვა გადასახადების გადახდაზე.

19.2. ხელშეკრულება შესრულებულია და ხელმოწერილია ორ ეგზემპლარად და ინახება ხელშეკრულების მონაწილე მხარეებთან.

ა(ა)იპ „ჩოხატაურის მუნიციპალიტეტის
სსს დაწესებულება „მომავალი“-ს დირექტორი
ნინო ბარამიძე:
მისამართი: ჩოხატაური, დუმბაძის ქ.# 2
ს/კ. 242008812

შპს „ნება“
დირექტორი: მერაბ კაჭკაჭიშვილი
მისამართი: დ. აბასთუმანი, შ. რუსთაველის #64
ს/კ 422722575

